

st 4. p. 2.
02-

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu poljoprivrede,
vodoprivrede i komunalnih poslova

Broj: 08-11-468/25-AP-3

Datum: 03.03.2025. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 04-03-2025			
Org. jed.	Kl. ozna.	Red. broj	Dr. broja
02	11	491/25	

GRADONAČELNICA

- O v d j e -

PREDMET: Prijedlog Odluke o kalkulativnim parametrima, dostavlja se

U prilogu akta dostavljam Vam Prijedlog Odluke o kalkulativnim parametrima, radi upućivanja u dalju proceduru.

S poštovanjem.

Dostavljeno:

1. Naslovu,
2. U spis.



POMOĆNIK GRADONAČELNICA
Izet Bašić dipl.ing.agr.

Akt pripremila:

(Adisa Pašić)

Akt pregledao:

(Izet Bašić)

Akt pregledao:

(Nermin Čahtarević)

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
Služba za upravu poljoprivrede,
Vodoprivrede i komunalnih poslova
Broj: 08-11-468/25-AP-2
Datum: 03.03.2025. godine



Na osnovu člana 10. stav 1., tačka e) Zakona o komunalnim djelatnostima („Službene novine Zeničko-dobojskog kantona“ broj 17/08) i člana 10. Privremene statutarne Odluke Grada Zavidovići („Službeni glasnik Općine Zavidovići“ broj: 4/22) Gradsko vijeće Zavidovići, na sjednici, održanoj dana godine, donijelo je

O D L U K U o kalkulativnim parametima

DIO I OSNOVNE ODREDBE

Član 1. (Pojam)

Odlukom o kalkulativnim parametrima (u daljem tekstu: Odluka), utvrđuju se kalkulativni parametri na osnovu kojih se obrazuju cijene komunalnih usluga kojima se obezbjeđuje najmanje prosta reprodukcija u periodu od dvije godine za obavljanje komunalne djelatnosti individualne komunalne potrošnje i za komunalne djelatnosti zajedničke komunalne potrošnje, koje obavlja JKP „Radnik“ d.o.o. Zavidovići.

DIO II. KOMUNALNE DJELATNOSTI

Član 2. (Komunalne djelatnosti individualne komunalne potrošnje)

- (1) Komunalne djelatnosti individualne komunalne potrošnje su:
- a) snabdijevanje pitkom vodom,
 - b) odvođenje i prečišćavanje otpadnih voda,
 - c) snabdijevanje prirodnim gasom,
 - d) snabdijevanje toplotnom energijom,
 - e) obavljanje javnog prijevoza putnika,
 - f) prikupljanje i odvoz komunalnog otpada iz stambenih i poslovnih objekata i poslovnih prostora na deponiju,
 - g) odlaganje komunalnog otpada,
 - h) održavanje javnih parking prostora i javnih garaža,
 - i) obavljanje pogrebnih poslova,
 - j) održavanje tržnica i pijaca na malo,
 - k) obavljanje dimnjačarskih poslova,
 - l) higijenska, strvoderska i kafilerijska djelatnost.

Član 3.

(Komunalne djelatnosti zajedničke komunalne potrošnje)

Komunalne djelatnosti zajedničke komunalne potrošnje u smislu ovog zakona su:

- a) odvođenje atmosferskih voda,
- b) održavanje čistoće na javnim površinama i gradskim ulicama,
- c) održavanje javnih površina,
- d) održavanje grobalja i njihove prateće infrastrukture,
- e) održavanje javne rasvjete,
- f) obavljanje kafilerijskih usluga,
- g) dekorisanje,
- h) održavanje javnih česmi i fontana, javnih kupatila i javnih nužnika,
- i) održavanje javnih satova,
- j) zbrinjavanje komunalnog otpada nastalog u okviru djelatnosti zajedničke komunalne potrošnje,
- k) čišćenje i razgrtanje snijega i leda sa javnih gradskih površina i lokalnih puteva i posipanje abrazivnim materijalom ulica i lokalnih puteva,
- l) održavanje pasivnih mezarlika – grobalja, spomenika spomen kosturnica i prateće infrastrukture u užem urbanom dijelu grada.

DIO III KALKULATIVNI PARAMETRI ZA KOMUNALNE DJELATNOSTI
INDIVIDUALNE KOMUNALNE POTROŠNJE

Član 4.

(Kalkulativni parametri za snabdijevanje pitkom vodom)

- (1) Kalkulativni parametri za snabdijevanje pitkom vodom su:
 - a) kao mjerna jedinica uzima se jedan kubni metar (1 m^3) isporučene pitke vode na mjernom instrumentu za poslovni, stambeni ili drugi prostor,
 - b) koliko nema mjernog instrumenta za poslovni, stambeni ili drugi prostor, utvrđuje se paušalna naknada za potrošnju pitke vode u iznosu 5 m^3 po članu domaćinstva koje koristi pitku vodu,
 - c) troškovi iskazani u izvještaju o finansijskom poslovanju zadnje poslovne godine koji se odnose na predmetnu uslugu,
 - d) broj radnika u radnom odnosu u JKP „Radnik“ d.o.o. na neodređeno vrijeme sa punim radnim vremenom sa različitim procentualnim učešćem kod formiranja cijene vode 42 radnika),
 - e) prodaja vode domaćinstvima za jednu kalendarsku godinu izražena u ispostavljenim fakturama kroz prihode,
 - f) prodaja vode pravnim i fizičkim licima koja se bave obrtom izražena u ispostavljenim fakturama kroz prihode,
 - g) amortizacija stalnih sredstava infrastrukturnog komunalnog sistema za snabdijevanje vode za piće kao javnog dobra u općoj upotrebi,
 - e) amortizacija stalnih sredstava koja davaocu komunalne usluge služi kao sredstvo za rad.
- (2) Odnos cijena za isporuku pitke vode domaćinstvima i pravnim i fizičkim licima koji se bave obrtom kao i javnih preduzeća, drugih preduzeća i privrednih društava može iznositi 1:1,8

Član 5.
(Odvođenje i prečišćavanje otpadnih voda)

- (1) Kalkulativni parametri za odvođenje i prečišćavanje otpadnih voda su:
 - a) za odvođenje i prečišćavanje otpadnih voda kao mjerna jedinica uzima se jedan kubni metar (1 m^3) izvršenih usluga na osnovu fakturisane vode izuzev posebnih potrošača u posebnom režimu,
 - b) broj radnika u radnom odnosu u JKP „Radnik“ d.o.o. na neodređeno vrijeme sa punim radnim vremenom sa različitim procentualnim učešćem kod formiranja cijene odvođenja prečišćavanja otpadnih voda (8 radnika),
 - c) amortizacija stalnih sredstava infrastrukturnog komunalnog sistema kao javnog dobra u općoj upotrebi,
 - d) amortizacija stalnih sredstava koje davaocu komunalne usluge služi kao sredstvo za rad,
 - e) troškovi iskazni u izvještaju o finansijskom poslovanju zadnje poslovne godine koji se odnose na predmetnu uslugu,
 - f) odvođenje i prečišćavanje otpadnih voda za zadnju kalendarsku godinu izraženo u ispostavljenim fakturama kroz prihode posebno za domaćinstva i posebno za pravna i fizička lica koja se bave obrtom,
- (2) Odnos cijena za odvođenje i prečišćavanje otpadnih voda za domaćinstva i pravna i fizička lica koji se bave obrtom kao i javnih preduzeća, drugih preduzeća i privrednih društava može iznositi 1:2.

Član 6.
(Snabdijevanje toplotnom energijom)

- (1) Za snabdijevanje toplotnom energijom kao mjerna jedinica uzima se jedan kvadratni metar stambenog, prostora po PS obrascu, osim balkona i lođa, poslovnog ili drugog prostora za izvršenu uslugu snabdijevanja toplotnom energijom.
 - a) kao mjerna jedinica može se uzeti jedan kubni metar (1 m^3) i jedan KWh (KWh) ovisno od vrsti potrošača i načina mjerenja.
 - b) broj radnika u radnom odnosu u JKP „Radnik“ d.o.o. na neodređeno vrijeme sa punim radnim vremenom sa procentualnim učešćem kod formiranja cijene snabdijevanja toplotnom energijom (16 radnika),
 - c) troškovi iskazani u izvještaju o finansijskom poslovanju zadnje poslovne godine koji se odnose na predmetnu uslugu,
 - d) amortizacija stalnih sredstava infrastrukturnog komunalnog sistema kao javnog dobra u općoj upotrebi koji se odnosi na snabdijevanje toplotnom energijom,
 - e) amortizacija stalnih sredstava koja davaocu komunalne usluge služi kao sredstvo za rad kod snabdijevanja toplotnom energijom,
 - f) snabdijevanje toplotnom energijom za zadnju kalendarsku godinu izraženo u ispostavljenim fakturama, posebno za domaćinstva, a posebno za pravna i fizička lica koja se bave obrtom,
- (2) Odnos cijena snabdijevanja toplotnom energijom za domaćinstva i pravnih i fizičkih lica koja se bave obrtom je kao i javnih preduzeća, drugih preduzeća i privrednih društava može iznositi 1:2,1

Član 7.
Prikupljanje i odvoz komunalnog otpada

- (1) Za prikupljanje i odvoz komunalnog otpada iz stambenih i poslovnih objekata i poslovnih prostora na deponiju kao mjerna jedinica uzima se:
- a) član domaćinstva
 - b) kontejner zapremine 1,1 m³,
 - c) plastificirana vreća zapemine 50; 70 ili 120 litara,
 - d) kanta od 120 litara zapremine,
 - e) broj pražnjenja konejnera, plastificiranih vreća i kanti u toku sedmice i odvoz kamionom na deponiju,
 - d) broj radnika u radnom odnosu u JKP „Radnik“ d.o.o. na neodređeno vrijeme sa punim radnim vremenom sa procentualnim učešćem kod formiranja cijene prikupljanja i odvoz komunalnog otpada iz stambenog i poslovnog objekta i poslovnog prostora na deponiju (36 radnika),
 - e) troškovi iskazani u izvještaju o finansijskom poslovanju zadnje poslovne godine koji se odnose na predmetnu uslugu,
 - f) amortizacija stalnih sredstava koje davaocu komunalne usluge služi kao sredstvo za rad kod prikupljanja i odvoza komunalnog otpada,
 - g) prihodi po ispostavljenim fakturama za zadnju poslovnu godinu na ime odvoza otpada za domaćinstva i pravna lica (po prevoznicama i po m²),

Član 8.
(Komunalne djelatnosti individualne komunalne potrošnje za koje nisu utvrđeni kalkulatívni parametri)

- (1) Komunalne djelatnosti individualne komunalne potrošnje za koje nisu utvrđeni kalkulatívni parametri ovom Odlukom, a to su:
- a) snabdijevanje prirodnim gasom,
 - b) obavljanje javnog prevoza putnika,
 - c) održavanje javnih parking prostora i javnih garaža,
 - d) obavljanje pogrebnih poslova,
 - e) obavljanje dimnjačarskih poslova,
 - f) higijenska, strvoderska i kafilerijska djelatnost bit će utvrđena kada JKP „Radnik“ d.o.o. bude obavljao navedene komunalne poslove.

DIO IV KALKULATIVNI PARAMETRI ZA KOMUNALNE DJELATNOSTI
ZAJEDNIČKE KOMUNALNE POTROŠNJE

Član 9.
(Kalkulatívni parametri za održavanje čistoće na javnim površinama i gradskim ulicama)

- (1) Prema kalkulatívnim parametrima za održavanje čistoće na javnim površinama i gradskim ulicama kao mjerne jedinice za suho, mokro i mašinsko čišćenje asfaltnih i betonskih površina,
- a) jedan kvadratni metar očišćene površine i norma sat za navedeno čišćenje,
 - b) broj radnika neophodnih za čišćenje površine (10 radnika), koji su u radnom odnosu u JKP „Radnik“ d.o.o. sa punim radnim vremenom sa procentualnim učešćem kod formiranja cijene održavanja čistoće na javnim površinama i gradskim ulicama,

- c) norma rada radnika po jednom kvadrantom metru,
- d) cijena norma sata radnika,
- e) cijena norma sata rada cisterne,
- f) procenat zaprljanosti površine predviđene za čišćenje,

(2) Za suho čišćenje

- a) 1200 m²/Nh za 10% zaprljanosti,
- b) 900 m²/Nh za 15% zaprljanosti,
- c) 600 m²/Nh za 20% zaprljanosti,
- d) 300 m²/Nh za 30% zaprljanosti,

(3) Za mašinsko čišćenje

- a) 3200 m²/Nh za 10% zaprljanosti,
- b) 2400 m²/Nh za 15% zaprljanosti,
- c) 1600 m²/Nh za 20% zaprljanosti,
- d) 800 m²/Nh za 30% zaprljanosti,

(4) Za mokro čišćenje

- a) 2500 m²/Nh za 10% zaprljanosti,
- b) 1875 m²/Nh za 15% zaprljanosti,
- c) 1250 m²/Nh za 20% zaprljanosti,
- d) 625 m²/Nh za 30% zaprljanosti,

Član 10. (Održavanje javnih površina)

(1) Za održavanje javnih površina koje podrazumijevaju poslove utvrđivanja i redovnog održavanja zelenih, rekreativnih površina (javne zelene površine, zelene površine stambenih, odnosno urbanih gradskih cjelina, pješačke staze, zelene površine posebne namjene, površine a rekreaciju i fizičku kulturu na otvorenom prostoru, zaštitna područja i zaštitni zeleni pojasevi i infrastrukturni sistemi, ako nije uređeno posebnim propisom, površine uz uređenu i euredenu obalu rijeka), javnih saobraćajnih površina (ulice, kolovozi, pločnici i nadvožnjaci, mostovi i stepeništa van zgrada, autobuska stajališta i druge javne površine koje budu utvrđene kao javne površine), kao mjerna jedinica uzima se:

- a) jedan kvadratni metar za održavanje javne površine,
- b) broj radnika koji su u radnom odnosu u JKP „Radnik“ d.o.o. sa punim radnim vremenom sa procentualnim učešćem kod formiranja cijene održavanja javnih površina,
- c) norma rada radnika po jednom kvadratnom metru,
- d) cijena norma sata radnika,
- e) cijena norma sata sredstava za rad (kosilica) ili drugo sredstvo rada.
- f) mašinsko šišanje trave 500 m²/Nh za visinu trave do 15 cm,
- g) mašinsko šišanje trave 250 m²/Nh za visinu preko 15 cm,
- h) šišanje žive ograde 50 m²/Nh,
- i) okopavanje ruža 10 kom /Nh,
- j) sadnja sezonskog cvijeća 50 kom/Nh,
- k) proljetno odgrtanje ruža 10 kom/Nh,
- l) jesenje zagrtanje ruža 10 kom/Nh,
- m) prskanje korova hemijskim sredstvima 250 m²/Nh,

Član 11.

(Čišćenje i razgrtanje snijega i leda sa javnih gradskih površina i lokalnih puteva i posipanje abrazivnim materijalom ulica i lokalnih puteva)

- (1) Za čišćenje i razgrtanje snijega i leda sa javnih gradskih površina i lokalnih puteva i posipanje abrazivnim materijalom ulica i lokalnih puteva, kao mjerna jedinica uzima se
- a) broj kilometara ulica u gradu i broj kilometara lokalnih puteva koji budu predviđeni ugovorom za čišćenje,
 - b) broj radnika koji su u radnom odnosu u JKP „Radnik“ d.o.o. Zavidovići sa punim radnim vremenom sa procentualnim učešćem kod formiranja cijene,
 - c) norma rada radnika,
 - d) cijena norma sata rada radnika,
 - e) cijena norma sata sredstava rada koje je angažovano na čišćenju.

(2) Zimsko održavanje

- a) 100 m²/Nh za visinu snijega 10 cm
- b) 80 m²/Nh za visinu snijega od 10 do 25 cm
- c) 2,00 km/Nh za gradske ulice, jedna saobraćajna traka,
- d) 1,80 km/Nh za prigradske ulice, jedna saobraćajna traka,
- e) 1,00 km/Nh za gradske ulice, dvije saobraćajne trake,
- f) 0,90 km/Nh za prigradske ulice, dvije saobraćajne trake,

Član 12.

(Komunalne djelatnosti zajedničke komunalne potrošnje za koje nisu utvrđeni kalkulatívni parametri)

- (1) Komunalne djelatnosti zajedničke komunalne potrošnje za koje nisu utvrđeni kalkulatívni parametri ovom Odlukom, a to su:
- a) odvođenje atmosferskih voda,
 - b) održavanje grobalja i njihove prateće infrastrukture,
 - c) održavanje javne rasvjete,
 - d) obavljanje kafilerijskih usluga,
 - e) dekorisanje,
 - f) održavanje javnih česmi i fontana, javnih kupatila i javnih nužnika,
 - g) održavanje javnih satova,
 - h) zbrinjavanje komunalnog otpada nastalog u okviru djelatnosti zajedničke komunalne potrošnje,
 - i) održavanje pasivnih mezariluka-grobalja, spomenika i spomen kosturnica i prateće infrastrukture u užem urbanom dijelu grada bit će utvrđena kada Javno komunalno preduzeće „Radnik“ d.o.o. bude obavljao navedene komunalne djelatnosti.

DIO V PRELAZNE I ZAVRŠNE ODREDBE

Član 13.

Davalac komunalnih usluga pridržavat će se kalkulatívnih parametara iz ove Odluke kod formiranja cijena komunalnih djelatnosti iz člana 2. i 3. ove odluke.

Član 14.

Stupanjem na snagu ove Odluke, prestaje važiti Odluka o kalkulativnim parametima („Službeni glasnik općine Zavidovići“, broj:4/2023).

PREDSJEDAVAJUĆA
GRADSKOG VIJEĆA
Hadžić dr Amira, spec.radiolog

Obrazloženje

USTAVNOPRAVI I ZAKONSKI OSNOV ZA UVOĐENJE ODLUKE

Odredbom člana 10. stav (1), tačka e) Zakona o komunalnim djelatnostima Zeničko-dobojskog kantona ("Službene novine Zeničko-dobojskog kantona" broj:17/08) propisano je :

„(1) Davaoci komunalnih usluga iz člana 8. ovog zakona moraju ispunjavati slijedeće uslove:

e) da se cijene komunalnih usluga obrazuju prema kalkulativnim parametrima koje će usvojiti općinsko vijeće kojim se obezbjeđuje najmanje prosta reprodukcija u periodu od dvije godine.“

U članu 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Odredbom člana 10. Zakona o komunalnim djelatnostima Zeničko-dobojskog kantona propisano je da se cijene komunalnih usluga obrazuju prema kalkulativnim parametrima koje će usvojiti Općinsko vijeće a kojim se omogućuje najmanje prosta reprodukcija u periodu od dvije godine.

Shodno svemu navedenom a obzirom na činjenicu da je Odluka o kalkulativnim parametrima posljednji put donesena 2023. godine te da se cjenovnik komunalnih usluga obrazuje prema kalkulativnim parametrima to se predlaže donošenje ove Odluke.

Obzirom da predmetna Odluka nije obimna i složena predlažem da Gradsko vijeće Zavidovići Prijedlog odluke razmatra po skraćenom postupku bez Nacrta u skladu sa članom 130. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj:07/2022 i 01/2023).


OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE


Za realizaciju ove Odluke nije potrebno planirati finansijska sredstva u Budžetu Grada Zavidovići.


OPIS KONSULTACIJA VOĐENIH U PROCESU IZRADE ODLUKE

Prilikom izrade ove Odluke konsultovani su navedeni propisu koji su i pravni osnov za donošenje Odluke.

GRADONAČELNICA
mr.iur. Erna Merdić Smailhodžić

Akt pripremila: 
(Pašić Adisa)

Akt pregledao: 
(Bašić Izet)

Akt pregledao: 
(Nermin Čahtarević)